

兒科全生集卷二



瀉三十

發熱見黥時瀉者毒氣在內不能外達故尋竅而出
腸胃熱毒以利消故不須治也若悞止之反輕爲重
倘至四五日不止至寶飲三十加訶子以羅元氣起發
貫膿時瀉而屎黃臭穢小便赤澁肛門如火熱渴欲
飲水身熱氣粗痘必紅紫用加味四苓散一主之瀉
青綠色有臭氣爲熱見當起脹灌漿時泄瀉不止多
用參朮豆蔻諸方俱不效何也曰視其屎青綠色肝
屬木青綠色必肝盛尅脾故也當削肝爲主乃用白

芍三錢白朮茯苓各一錢五分米仁山查陳皮炙甘草各六分一服立止或起發瀉膿時其人臍氣自脫或因服寒藥致令瘡毒陷入大腸泄下如豆汁或膿血黑汁顴赤如錢口內臭氣唇焦目閉加腹脹者死當急用木苓調脾散四救之

瀉青菜色或是白水更兼滑利乳食不化瀉密而少腹痛或鳴小便清面晄白口氣冷不渴身涼手足冷脈遲緩痘暈必淡白宜參朮散四兼用七味豆蔻丸水穀不分加附子虛渴加人參

虛瀉身弱痘多不能任毒雖得妙醫扶其起脹貫膿
將半氣竭必瀉瀉下如松花黃色乃脾之本色見此
則知中虛之甚以浮上飲七倍加參耆山藥訶子荳
蔻救之痘有泄瀉雖投訶子荳蔻以止瀉白朮茯苓
以滲濕健脾當用升麻以升提痘毒出于皮毛之表
若獨治泄瀉而致痘倒塌是失本末之辨也腸鳴須
防泄瀉之症養漿收靨時大忌作瀉蓋此時氣血盡
作膿漿中氣虛而毒內陷也故專以溫補止之然有
瀉下膿血蓋腹中痘熱脾強腎弱從大便而出膿血

痢疾盡則自愈不可強施治法如利水穀不分此腎
強脾弱急用陳氏木香散_{二十}送下荳蔻丸_一利清
水者或曾有大渴飲水過多蓄聚于中漬灌腸胃今
乃作瀉水去盡則瀉止若不知此等症妄投止瀉之
藥是令其速斃也慎之傷食瀉大便黃稀酸臭口噤
餒酸氣平胃散_二加青皮山查神麴麥芽之類原物
湯下後用調中湯_七積瀉乳食不能運化脾虛積滯
日久遂成泄瀉之症宜固脾去積相兼而治用人參
白朮三稜蓬朮陳皮麥芽之類脾虛作瀉乳食不進

雖食不化滑利而色帶白宜六君子湯八十或朮苓

調脾散四主之將屬時乃是腎泄浮上飲七加草薢

故紙主之至收屬後微瀉一二次無妨餘毒盡解故

也然有虛者又不可不急治之也凡撒屁以其洩氣

也惟用縮砂一二顆其應甚捷

吐瀉三十

發熱時吐瀉毒氣因吐瀉而分消所謂吐瀉爲順候

見痘卽止爲吉久則恐傷元氣身熱面赤口渴尿黃

宜四苓散十加竹葉煎服吐有餽酸氣瀉則淡白之

色滑利如糲粳樣瀉後精神疲倦胸腹作痛者此感
寒而停食也調脾散四王之又曰邪在上焦則吐在
下焦則瀉在中焦則吐瀉併作行漿時脾胃虛弱荳
蔻丸一主之貫膿收靨時有單見吐單見瀉者大略
相同調治

痢三十二

痢者皆濕熱鬱于腸胃致傷氣血而然也赤痢屬心
白痢屬肺赤用四物湯三加酒炒芩連木香炙甘草
白用四君子湯五加酒炒芩連木香陳皮赤白相

兼者合而治腹痛加當歸砂仁木香芍藥後重加
滑石枳殼芍藥酒炒條芩久不愈者紅加阿膠硃砂
黑加乾姜白朮久不愈不後重加訶子荳蔻若大便
膿血下腸垢以黃連阿膠炒珠當歸各五錢乾姜炒
三錢爲末米湯下痘後留毒於脾於上則唇裂掀腫
堆結如煤動卽血流血卽燥結於下則注入大腸下
利惡垢猶之滯下之疾如漆如膠有純下鮮血痛楚
不堪若以瀉治則枉死矣以滌除救苦湯十九治之下
痢膿血磁白生三錢豆豉梔仁炒各二錢水煎服若

兼小便赤澁而煩躁者導赤散主之凡便血而從
糞前來者爲近血是大腸積熱所致也從糞後來者
爲遠血是胃間積熱所致也皆宜清熱固榮爲主若
久瀉久痢之後者脾氣虛寒不能攝血所致也宜溫
補而兼升提瀉膿血如死肝黑豆汁者胃爛也不治
大便秘 三十三

發熱時大便三四日不行亦宜急利之恐腸胃不通
榮衛不行瘡出轉密也先用蜜導外潤等法服升麻
葛根湯一加山查末五六錢二三劑不應而後用利

藥不失爲慎重之也然勢有急症者又當速下不可
以此論痘出正盛而喘促腹滿小便赤或譫言妄語
而大便不通者宜敗毒和中散一加熟大黃利之惟
起發之後大便却宜堅實若過五六日至靨時仍不
行恐熱甚生濕其瘡難靨宜微利之以當歸九二十通
之使氣道升降無壅遏之患或下黑糞心神昏睡不
醒是爲惡候內熱故也地黃湯八加木通麥冬主
之若寒熱作渴小柴胡湯五加生地發熱體倦神
慢五味異攻散二十加當歸痘後有三五日或七八

日不大解不論有身熱無身熱看其元氣壯實卽以大連翹飲一去木通車前滑石加枳殼熟大黃以下之亦猶釜底抽薪之意也

小便秘 三十四

小便不宜閉澀蓋心主瘡而屬火移熱于小腸小腸移熱于膀胱瘡子發熱不可驟下惟利小便以疎其鬱然亦有痘稠密小便少者恐係津液虛耗非熱也不可利之反損真陽之氣宜清之以連翹湯五九小便赤澀者藥內可加滑石梔仁有血加瞿麥生地丹

皮痘已出而小便失血四物湯十加黃柏知母牛膝
甘草主之痘後小便關閉兜腹刺痛溺者欲尿不尿
似血非血或如屋漏水或如黑豇汁或如蘇木水名
爲沁沙紅蓋因痘後元氣囂腦小腸鬱熱膀胱伏毒
而成此症用黃連解毒湯十加生地車前木通力子
若小腹脹硬溺而不出惡痛者死症也前後小便不
通俱宜導赤散六大小便俱不通入正散四十四或通
關散三十

虛似實 三十五

人稟氣血以有生氣爲衛血爲榮氣屬陽血屬陰氣
血虛弱津液乾枯不能制火以致虛火上炎或煩渴
或咽喉痛或唇焦口苦鼻時出血痘必不能成漿以
參麥清補湯二十催之或虛寒泄瀉元氣下陷虛火
炎上必發爲渴爲喘亦參麥清補湯二十調之若膿
漿不行用內托散五加鹿茸急治之時醫見其多熱
卒用清涼用犀角地黃等湯不知因氣血不能勝毒
而致有此症今又純用寒涼則愈虧損氣血而毒氣
肆行豈復有可生之理是以十治而無一生也

伏陷 三十六

隱而不出謂之伏出而復塌謂之陷痘色紅紫乾枯
或密如蚕種不分顆粒身熱煩躁大便秘此毒氣鬱
滯血氣不行也用調元化毒湯七去參者加小川芎
清之如熱甚腹脹大便燥結者加熟大黃利之痘色
淡白飲食減少身涼手足冷大小便清利而出不快
者此氣血怏弱不能載毒出外也用溫中益氣湯二
托之鼻塞聲重咳嗽惡寒而不出快者風寒蔽之也
宜發散加減參蘇飲三主之痘已出而復沒燒酒飲

之轉紅活

悶痘 三十七

發熱二日兩目閉頭後仰兮脚後抽角弓反張無痘
影紙擦照見毛孔中微有針尖之紅點以手按其皮
膚中有粟米粒小疔瘡則痘三日不出死此係悶痘
故不治或用生葱一大把搗爛以熱湯泡之帳內中
燻洗兒頭面得嚏頻頻當見點陳年真化州橘紅煎
湯服之發則痘開花蘿蔔煎汁服莖根飲痘卽出
發熱失表作腹痛膨脹努氣乾霍亂毒氣與胃氣相

搏欲出不出商陸根和葱白搗敷臍上痛止痘出方
免厄

浮萍 三十八

痘名浮萍如浮萍之叢聚也有紫白二色紫浮萍粘
連一片止有小小顆粒他處之正痘獨大浮萍而根
脚俱皆紫色一片不分顆粒有三五處者或十幾處
用明雄黃研細末煎絲胭脂汁調搽三五次則毒氣
盡行拔出倘不搽必作痛痒內服清毒活血湯三倍
加生黃耆止痘長漿彼亦長漿亦有淡白浮萍乃元

氣虛弱仍用雄黃胭脂搽內服內托散_五以催漿倘
漿不滿卽用參歸鹿茸湯_{六十}漿成而毒解矣切不
可用清毒活血湯

夾瘡_{二十九}

痘有夾丹紅赤點而無痘粒或如雲頭突起或如紅
蛇纏繞此皆毒火浮游散漫于皮膚之間也用元參
升麻湯_八加生地一二劑丹點自退痘卽起矣有夾
疹而出者先痘後疹者謂之逆先疹後痘謂之順若
先痘後疹則勢頗危須急補陰清肺養胃扶脾黃耆